

ՀԱՄԱՐԱԻՐԵՐ

ՀԱՍԱՐԱԿԱԿԱՆ-ՔԱՂԱՔԱԿԱՆ ԵՒ ԳՐԱԿԱՆ ՇԱՐԽԱԹԱԹԵՐԹ

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կողմ

Հայոց է լեզուն և կիրակի օրերը

10 կողմ

ՌԱԺԱՆՈՐԳԱԳԻՆԸ հարկում 3 հոգի, կէս օտուան 3 հոգի
Արտասանման, հարկում 5 ա., կէս օտուան 3 ա.

ԽՄԲԱԳՐՈՒԹԻՒՆԸ՝ Քիֆիս, Արտասանման հրապար. № 7.
Հետախոս № 29.

Գրասի հասցեն. — Тифлис, „Амбар „Зорь“. Tiflis, Rédaction du journal
„Hambavaber“.

ՅԱՅՑԱՐԱՐՈՒԹԻՒՆՆԵՐԻ՝ ապրիլի 10 կողմ.

Խմբագրությունը բաց է առաւօտեան ժամի 10—2 բացի կիրակի և տօն օրերի
Տպագրություն ուղարկուած ձեռագրերը կարող են ենթարկուել փոփոխման
կրճատման:

Տպագրութեան համար տնայրմար հանձնուած մեծ յոգուածները պահուած են
վեց ամիս խմբագրատանը, իսկ փոքրերն ամիսը պահուած:

Տպագրութեան համար տնայրմար թղթակցութեանց և յոգուածների առթիւ
խմբագրութեան պարտաւոր չի համարուած գրաւոր բացատրութիւններ տալ:

ԲՈՎԱՆԴԱԿՈՒԹԻՒՆ

ԽՄԲԱԳՐՈՒԹԵԱՆ ԿՈՂՄԻՑ. — ԽՄԲԱԳՐԱԿԱՆ. — Աշխատաւորա-
կան խմբերի անհրաժեշտութիւնը, Ս. Յարութիւնեանի: Կարևոր
յայտարարութիւն ժամանակաւոր Կառավարութեան կողմից:
ՀԱՄԱՇԽԱՐՀԱՅԻՆ ՊԱՏԵՐԱԶՄԸ, ՆԵՐՔԻՆ ՏԵՍՈՒԹԻՒՆ. ԳԵ-
ՏԱԿԱՆ ԿԵԱՆՔ. — Անցքերը Գետոգրաւում: — Սահմանա-
դիր ժողով, Վ. Խորէնի: Ողջունում ենք: Քառանգաւ ընտրողա-
կան իրաւունքը, Մ. Սահակեանի: Գիւղական տարրի դերը, Բժ-
Բ. Աղասարեանի: Մահմեդականների համագումարը: Զինուորա-
կան համագումարը: Հայ Գրողների Ընկ. ժողովը: (Հայկազեան)

ընկերութիւն: Մատուրեան Ալէքսանդր (Յիշողութիւններ), Քա-
մալեանց Ս. Ի. ԳԱԻԱՌ. — Ախալցխա, Բորժոմ, Սալիսերէթ: ՏԱ-
ՐԵԳԻՐ Կ. Հ. Բ. ԸՆԿԵՐՈՒԹԵԱՆ. — (Կ. Հ. Բ. Ընկ., Հ. Կ. Կամի-
տէ և Գարեհաւորման բաժանմունք պետական միջոցներով): ԲԸ-
ՐՈՆԻԿՈՆ. ԳԵՂԱՐՈՒԹԵԱՆ. — Հայ օրերի քայլերգը (բանաստեղծ.)
Վահան Միրաքեանի: ՍՏԱՑՈՒԱԾ ԳՐՔԵՐ. ՅԱՅՑԱՐԱՐՈՒԹԻՒՆ
ՆԵՐ:

Կովկասի Հայոց Բարեգործական Ընկերութեան Խորհուրդը յայտնում է, թէ կիրակի, ապրիլի 30-ին,
Զիգրաշէնի եկեղեցում ժամի 12-ին նշանակուած է հանգուցեալ բարերար


ՎԱՍԻԼ ԱԻԱԳԵԱՆ ԴԱԻԹԵԱՆԻ

մահուան քառասնօրեայ հոգեհանգիստը:

Կիրակի, ապրիլի 30-ին, Գորուայ քաղաքի ս. Ստեփաննոս եկեղեցու դաւթում, պատարագից յետոյ,
ժամի 12-ին կատարուելու է հանգ. գաղտնի խորհրդական

ՍՏԵՓԱՆ ՅՈՎՍԵՓԵԱՆ ԳՈՒԼԻՇԱՄԲԱՐԵԱՆԻ

հոգեհանգիստը նրա գերեզմանի վրայ, որի մասին
յայտնուած է գիտութիւն հանգ. ազգականներին, բարեկամներին և ծանօթներին:



ՎԱՍԻԼ ԱՒԱԳԵԱՆ ԴԱԻԹԵԱՆ
Բարեւոր Կ. Վ. Բ. Ընկերութեան

ԽՄԲԱԳՐՈՒԹԵԱՆ ԿՈՂՄԻՑ

«Համբաւարների» այն բաժանորդները, որ մինչև հիմա չեն վճարել թերթի 1917 թուի բաժանորդագինը, խնդրում ենք մինչև յունիսի 1-ը անյապաղ ուղարկել:

ԱԶԽԱՏԱՆՈՐԵԿԱՆ ԽՄԲԵՐԻ

ԱՆՀԲԱԵՋՏՈՒԹԻՒՆԸ

(ՏԱՀԱՎԱՀԱՅՅԵՐԻ ՀԱՄԱԳՐՈՒԹԱՐԻ ԲԱՑՄԱՆԸ)

Արևանահեղ ու երկարատև համաշխարհային պատերազմի ամենազառն բաժակը վիճակուեց այն ազգին:

Եւ Կովկասում և Տաճկահայաստանում հայ ազգը կրեց ամենածանր հարուածները:

Կովկասահայութեան թարմ ու աշխատանքի ընդունակ ոյժերը, սկսած տասնևութ տարեկան հասակից համարեա մինչև ծերութեան շրջանը մտնող քառասուն ու հինգ տարեկանները տարուել են պատերազմի դաշտը: Նրանց մի մասը արդէն զոհել է կեանքը հայրենիքի պաշտպանութեան համար, իսկ միւս մասը քաջարի կերպով կռիւ է մղում թշնամու դէմ:

Պատերազմի արհաւիրքները ուսահայերի մէջ աւելի դժուար են գիւղացութեան համար: Եւ այդ շատ հասկանալի է. գիւղացիներից զինուոր են գնացել աւելի մեծ

թուով, գիւղացութիւնն առհասարակ ապրում է միայն այն միջոցներով, որը հայթայթում են նրա աշխատանքի ընդունակ անդամները:

Մենք կանգնած ենք ցնցող իրականութեան առաջ. հայ գիւղը այժմ զրկուած է աշխատաւոր ձեռքից, գիւղացու անտեսութիւնը սոսկալի կերպով քայքայում է. նրա դաշտերը, այգիները, բանջարանոցները մնում են անմշակ և սպասում են աշխատաւորների:

Գիւղատնտեսական կեանքը կազմալուծւում է, նա գտնւում է մեծ ճգնաժամի մէջ:

Գիւղերում մնացած անչափահաս աղաները, կոնայք և ծերունիները ֆիզիքապէս անկարող են կատարել գիւղական աշխատանքը՝ վարել ու սերմել հողերը, հնձել արտերը, հարել խոտերը, մշակել այգիներն ու պատրաստել ազարակները:

Այդ բոլորը կատարել վարձովի մշակներով անկարելի է. կողմնակի մշակներ դժուարութեամբ են գտնւում, գիւղացին չունի նիւթական միջոցներ և մշակավարձը հասել է առասպելական չափերի: Հայ գիւղացութիւնը կովկասում կորստեան ճանապարհի վրայ է կանգնած:

Տաճկահայերի իրականութիւնը ներկայացնում է աւելի սոսկալի պատկեր. նրանց թշուառութիւնը, նրանց կրած հարուածները նոյն պատերազմից անասելի են:

Չը կայ աշխարհումս մի երկիր, մի ազգ, որ իւր դժբաղդութեամբ, իւր սև օրերով հաւասարուէր տաճկահայերին: Տաճկահայութիւնն արիւնքամ եղաւ. նա տուեց հարիւրնազարաւոր զոհեր, նրա ամբողջ ունեցածը կողոպտուել, հրդեհուել և ոչնչացուել է, նրա հայրենիքը մի ծայրից մինչև միւս ծայրը ենթարկուել է սրի ու հրի:

Կենդանի մնացած ժողովուրդը մահից ազատուելու համար զաղթել է Կովկաս, բայց նա ևս գտնւում է շատ ծանր դրութեան մէջ, չը նայած ուսահայերի, մանաւանդ հայ գիւղացութեան և կառավարութեան ցոյց տրւած օգնութեան:

Նպատանքերով տարիների ընթացքում անկարելի է պահել իւր տեղից հանուած ժողովուրդը: Ժողովուրդին ապրեցնողը եղել է և կը մնայ իրեն աշխատանքը:

Սա մի հասարակ և պարզ ճշմարտութիւն է:

Թէև տաճկահայերը զրկուած են իրենց տնից, տեղից, թէև նրանք գտնւում են օտարութեան մէջ, այնուամենայնիւ նրանցից աշխատանքի ընդունակները պէտք է աշխատեն, պէտք է գործադրեն իրենց ոյժերը. պէտք է իրենց բրտինքով լրացնեն իրենց ընտանիքի պակասութիւնը:

Դաղթականների մէջ կան բաւականին թուով աշխատանքի ընդունակ անձինք. մի մասը դրանցից երբեմն գտնում է աշխատանք, բայց այդ ձևով աշխատանք զրտնելը պատահականութեան կերպարանք ունի. մեծամասնութիւնը իրենցից անկախ պատճառներով մնում է անգործ: Չը կայ մի կազմակերպուած և յատուկ մարմին որը շարունակ աշխատանքի վրայ կանգնացնի աշխատանք:

քի ընդունակ գաղթականներին:

Ինչ է պարզուամ այս բոլոր ասածից: Թէ ուսանա-
յիքի գիւղացութեան կողմից նկատուում է, որ կայ աշ-
խատանք, բայց չը կան աշխատատեղեր: Իսկ տաճկահա-
յիքի կողմից նկատուում է, որ կան աշխատատեղեր, բայց
չունին աշխատանք:

Ուրեմն մնում է գործը կազմակերպել և կազմակեր-
պել այնպէս, որ աշխատանքը չմնայ առանց աշխատաւո-
րի, իսկ աշխատաւորը՝ առանց աշխատանքի: Եւ այն ժա-
մանակ կը կատարուի այն, ինչ որ անուանուում է փո-
խադարձ օգնութիւն:

Այդ նպատակին հասնելու համար անհրաժեշտ է
կազմակերպել աշխատանքի ընդունակ տաճկահայերից
աշխատատեղերի խմբեր (группы артели) և այդ խմ-
բերը վաղօրօք մշակուած փոխադարձ համաձայնութեամբ
և գիւղացութեան մատչելի պայմաններով ցրել հայ գիւ-
ղերը աշխատելու համար:

Որպէսզի աշխատատեղերը աւելի սիրով և եռանդով
կատարեն իրենց յանձնուած գործը, շատ նպատակա-
յարմար կը լինի նրանց շահագրգռել, նրանց մասնակից
անել արդիւնքին, որը գիւղացութեան համար էլ ու-
րոշ յարմարութիւն է ստեղծում, որովհետեւ աշխատա-
ւորները այդ դէպքում կարող են շափաւորել իրենց ըս-
կըզքնական աշխատավարձը: Վաղը, մայիսի 1-ից կայա-
նալու է Երևանում տաճկահայերի համագումարը և ըզ-
քադուելու է մի շարք խնդիրներով իրենց վիճակին վե-
րաբերեալ:

Մենք ողջունելով համագումարի բացումը, գտնում
ենք շատ ցանկալի, որ համագումարը լուրջ կերպով ըզ-
րադուի և այս հարցով: որ նա կազմի մի առանձին մար-
մին ձեռնհաս անձերից, և այդ մարմինն յանձնի խըն-
դրի իրագործումը:

Ռուսաստանում ներկայումս գիւղացութեան համար
աշխատատեղերի խմբեր են կազմուում ոչ թէ հասարակ
մշակներից, այլ գիմնագիտայի հասակաւոր աշակերտներից,
համալսարանների ուսանողներից և այլ ազատ ինտելիգենտ-
ներից, որոնց սրտին շատ մօտ են գիւղացութեան շահերը:

Աշխատաւոր խմբեր կազմելու խնդրի իրագործումը
պէտք է կատարուի հրատապ, առանց յետաձգելու: Այդ
խնդրի իրագործումով մեծ ծառայութիւն կը մատուցա-
նուի թէ տեղական գիւղացութեան և թէ գաղթական տաճ-
կահայերին:

Պէտք է գործի դիմել անմիջապէս: Այդ է պահան-
ջում թէ կովկասահայ և թէ տաճկահայ գիւղացութեան
կենսական շահը այս ծանր և անցողիկ ժամանակում

Ս. Եարութիւնեանց

ԿԱՐԵՒՈՐ ՅԱՅՏԱՐԱՐՈՒԹԻՒՆ

ԺԱՄԱՆԱԿԱՆ ԿԱՌԱՎԱՐՈՒԹԵԱՆ

Հողային հարցը հողագործ ժողովրդի համար ամենակենսա-
կան խնդիրն է: Զանազան շրջաններում արդէն նկատուել են
ագրարային շարժումներ: Այդ տեսակ շարժումները կարող են
առաջ բերել անխնայութիւն, որը անշուշտ կը խանգարի հար-
ցի արմատական լուծումը Սահմանադիր ժողովում:

Ժամանակաւոր, Կառավարութիւնը, ցանկանալով բնական
պայմաններում կատարել հարցի մշակումն և կանխել վտան-
գաւոր էքսեսներ, հիմնուած ժողովրդի մէջ տարածուող ան-
հիմն լուերի վրայ, ապրիլի 22-ին արձակել է մի յայտարարու-
թիւն, որը բերում ենք ստորեւ և որի վրայ հրաւիրում ենք մեր
ժողովրդի լուրջ ուշադրութիւնը:

«Մեր երկրի համար ամենագլխաւոր հերթական հարցն
է հողային խնդիրը, որ կարող է վերջապէս և ճիշտ լու-
ծել միայն Սահմանադիր ժողովը՝ ընտրուած ընդհանուր,
հաւասար, ուղիղ և զաւտնի ժողովրդական քուէարկու-
թեամբ: Բայց այդպիսի լուծման համար անհրաժեշտ է
նախապէս ամենուրեք տեղեկութիւններ հաւաքել ազգա-
բնակչութեան հողային կարիքների մասին և Սահմանա-
դիր ժողովի համար պատրաստել հողաշինութեան նոր
օրէնք: Այս նպատակով ժամանակաւոր Կառավարութիւնը
կազմում է հողային գլխաւոր կոմիտէ, որ կը կատարէ այդ
աշխատանքը՝ աշակցութեամբ տեղական նահանգային,
շրջանային և գաւառական հողային կոմիտէների: Այդ կո-
միտէների վրայ պարտականութիւն է դրուում տեղեկու-
թիւններ հաւաքել տեղական հողային կարգերի և ազ-
գաբնակչութեան հողային կարիքների մասին և մինչև Սահ-
մանադիր ժողովում հողային ռեֆորմ մտցուելը՝ վճռել
հողային գործերի շուրջը յարուցուած վէճերն ու թիւրի-
մացութիւնները: Տեղական կոմիտէների հաւաքած բոլոր
տեղեկութիւնները և նրանց մշակած հողաշինութեան ծը-
րագիրները պիտի յանձնուեն հողային գլխաւոր կոմիտէին,
որի աշխատանքներին կը մասնակցեն Պետ. Դումայի ժամ.
կոմիտէի, քաղաքական կուսակցութիւնների, կօօպերա-
տիւնների համառուսական միութեան, նահանգային հողային
կոմիտէների ներկայացուցիչները և ժամ. Կառավարու-
թեան կողմից հրաւիրուած անձեր: Միայն այդ ճանապար-
հով, մանրակրկիտ մշակուելուց և տեղեկութեամբ բազմակող-
մանի քննուելուց յետոյ կարող է ուղիղ կերպով լուծման
պատրաստուել հողային մեծ ու բարդ հարցը: Բացորոշ
սխալ է կարծել, թէ ամեն մի նահանգ, շրջան և գաւառ
կարող են իրենք իրենց լուծել այդ հարցը: Այդ խնդրում
ամբողջ ժողովուրդը կապուած է սերտ կապերով: Ամեն
մի գիւղաքաղաք շահագրգռուած է, թէ ինչպէս կարող է
լուծուել հողաշինութիւնը, նոյն իսկ փոքր գիւղակում:
Մեծ ազէտ կը սպառնայ մեր հայրենիքին, եթէ ազգա-
բնակչութիւնը տեղեկութեամբ, առանց սպասելու Սահմանադիր
ժողովի վճռին, ինքը ստանձնէ անմիջական հողաշինութեան:
Այդպիսի ինքնակամ գործողութիւնները սպառնում եղ

ընդհանուր քայքայում առաջացնելու Դաշտերը կը մնան առանց ցանքսի, հունձքը չի հաւաքուիլ, երկրում չքաւորութիւնն ու քաղցը կը տիրեն։ Այդ չպէտք է լինի։ Հանդարտ և մեր հայրենիքի ապագայի համար մեր մեծ պատասխանատուութեան գիտակցութեամբ պատրաստուենք ուսու երկրի վերաշինող ժողովրդական Սահմանադիր Ժողովի գալուստ, որ կը գտնէ հողային հարցի արդարացի լուծումն ու նոր հողային կազմ կը հաստատէ։ Թող հանգիստ լինին մեր քաջարի զինուորները, հայրենի հողի պաշտպանները։ Թող վստահ լինին նրանք, որ նրանց բացակայութեան և առանց նրանց մասնակցութեան ոչ ոք նրանց հայրենիքում չի սկսիլ վճռել հողային հարցեր։ Թող իմանան նրանք, որ հողային հարցերում ժողովուրդը չի թոյլատրիլ ինքնիշխանութիւն և հանդարտ կը սպասէ նոր հողաշինութեան, որ կապահովէ աշխատատեւոր երկրագործ ազգաբնակչութեան իրաւացի շահերը։»

ՀԱՄԱՇԽԱՐՀԱՅԻՆ ՊԱՏԵՐԱԶՄԸ

Կովկասեան ծակատ. Շաքաթուայ ընթացքում ուսու գործը թողցն Մուշըն թիւքական տեղեկութիւնների համաձայն թիւքների առաջաւոր զօրամասերը մտան այնտեղ։ Սանրկէնից հիւսիս-արեւմուտք ուսու առաջաւոր զօրամասերը անցան Դիալա գիւղը։

Ռուսաց ծակատի վրայ շաքաթուայ ընթացքում կարեւոր դէպքեր չեն պատահել։ Մեծ մասով հետախոյզների կռիւներ են տեղի ունենում։ Սվէնցեանի ուղղութեամբ գերմանացիները ձգտում են մտնել ուսուաց խճրամասներ, բայց յետ են մղւում շարունակ։

Նզլու-Ֆրանսական ճակատ. շատ նշանակալից և լուրջ կռիւներ են ունենում այս ճակատի վրայ։ Ապրիլի 24-25 գերմանացիները յարձակուեցին Սուասոնից հիւսիս-արեւելք և Շմէնդը-Դամի ճանապարհի վրայ։ Կռիւր ստացաւ կատաղի բնոյթ և վերջացաւ ֆրանսացիների կատարեալ աջողութեամբ։ Գերմանացոց զօրքը կրեց լուրջ կորուստներ։ Ֆրանսացիք առան մօտ 6,200 գերի։ Ապրիլի 3-ին սկսուած ճակատամարտից, ֆրանսացիք դերել են 29,000 գերմանացի։

Ռէյաէրի գործակալութեան թղթակիցը ֆրանսացոց զօրաճակատից յայտնում է, որ գերմանացոց զօրքի 2/3-ը կենտրոնացած է Ֆրանսիայում։ Գերմանացոց զօրքի ամբողջ կազմը թաղկանում է 219 զօրաբաժնից (գիւլգեայից), որոնցից 143-ը գտնւում են արեւմտեան զօրաճակատի վրայ, մնացածները ուսմիսական, ուսական և մակեաոնական զօրաճակատների վրայ։ Թշնամու կորուստներն ֆրանսական զօրաճակատի վրայ՝ սպանուած, վիրաւոր և գերի հասնում է 200,000 մարդու։

Հինգհերուրդի գծի վրայ սաստիկ կռուով անգլիացիներն առաջացան դէպի Բիզլեկուր գիւղն ու գերիներ առան։

Բալկանեան ծակատում՝ ապրիլի 23-ին Լուսնիցայի շրջանում ֆրանսացիների և վենիգելոսեան զօրքի մասնակցութեամբ կռիւներ են մղւում Թշնամու զօրքի դէմ։

ՆԵՐՖԻՆ ԽԵՍՈՒՐԻՆ

ՊԵՏԱԿԱՆ ԿԵԱՆՔ

ԴԵՊԲԵՐԸ ՊԵՏՐՈԳՐԱԴՈՒՄ

Ապրիլի 20-22-ը Պետրոգրադում պատահել են խիստ կարեւոր անցքեր, որոնց շարժասիւթն է եղել այն յայտագիրը, որ արտաքին գործոց նախարար Միլիւկովն ուղարկել էր գաշնակից պետութիւններին։ Այդ յայտագրում Ռուսաստանի արտաքին գործոց նախարարն առաջարկում էր պատերազմը շարունակել մինչև յաղթական վախճան։

Յայտագրի մասին մեծ յուզում առաջ եկաւ Պետրոգրադում։ Ղին, ու բանուորակ միացեալ խորհուրդը, որ պահանջում է առանց գրաւումի և զինուորական տուգանքի հաշտութիւն կնքել և ընկերվարական դանդուածը, որ պատերազմը նկատում է աշխարհակալական ու դեմոկրատիայի հակառակ մի ձեռնարկ՝ պահանջեցին ժամանակաւոր Կառավարութիւնից զոհաբուցիչ բացատրութիւններ։ Ամբոխն յուզուեց, մի մասն արտայայտուեց ի նպաստ ժամանակաւոր Կառավարութեան, մի մասն էլ անվերապահութիւն յայտնեց։ սակայն այդ բոլոր յուզումների առաջն առնուեց այն ժամանակ՝ երբ գումարուեց նախարարների և զինուորականների միացեալ խորհրդի խառն ժողովը, որտեղ մըտքերի փոխանակութիւնից յետոյ կատարեալ համաձայնութիւն կայացաւ և որոշուեց յայտարարել, որ Ռուսաստանը դիտում չունի հողային գրաւումների, պատերազմական տուգանքների, բայց իւր հայրենիքը պատուով պիտի պաշտպանի մինչև վերջը։

ՍԱՀՄԱՆԱԴԻՐ ԺՈՂՈՎԸ

Մեծ Յեղափոխութիւնները խորտակելով շին կարգը—ազնուապետական միապետութիւնը՝ ժամանակաւորապէս առկախ են թողնում Նոր կարգի—նոր պետութեան կազմի ու ձևի հարցը։ Նրանք այս առաջին և զլխաւոր հարցն էլ ժողովրդին են թողնում որոշելու։ Ժողովուրդը պէտք է որոշի՝ թէ ինչպիսի կարգ, ինչպիսի կառավարութիւն է կամենում ինքը։

Եւ այդ միանգամայն իրաւացի է։ Հին, միապետական կառավարութեան օրով ինքնակալ միապետը ինքն էր որոշում ամեն ինչ իւր անսահման կամքով ու բացարձակ կամայականութեամբ։ Նրա կամքը պետութեան առաջին և վերջին օրէնքն էր։ Ամեն ինչ նա էր որոշում, նշանակում, առնում, ծախում, ինչպէս ինքն էր կամենում։ Եւ քնականօրէն ստեղծում էր այնպիսի կառավարութիւն, որպիսին իւր և իւր նեցուկ տիրող գասակարգերի համար հաճելի էր։ Բացի այդ միապետները աշխատում էին թէ աստուածային-կրօնական և թէ մարդկային-իրաւական բոլոր միջոցներով սրբագործել իրենց ընտանեկանութիւնը։ Նրանք ամեն կերպ աշխատում էին ժողովրդին համոզել, որ իրենց իշխանութիւնը Աստուծոց է, որ իրենք իշխում են շնորհիւ Աստուծոյ, ուստի և իրենց իշխանութիւնը անսահման է։

Ահա այս բացարձակ, իբր թէ աստուածատուր և անսահման իշխանութեան Յեղափոխութիւնը հակադրում է ժողովրդական իշխանութեան սկզբունքն ու ամբողջ հասարակութեան

Երկրորդ անգամ երբ գնացի, խմբագիրն այնտեղ էր, քարտուղարից իմանալով ով լինելու, Արասխանեանը սիրալիր ընդունեց և մի կողմ քաշելով ասեց.

— Կարդացի ձեր ոտանաւորը, պարոն Մատուրեան, յաջող դրուած է, ես ձեր մէջ շնորք եմ նշմարում, ուստի թոյլ տւէք ինձ մի առաջարկ անել— իբրեւ ապագայ խոստացող բանաստեղծ, լաւ կը լինէր ձեզ համար մի պակեղոնիմ ընտրէիք:

Այդ բանն ինձ ասում էր Արասխանեանը, որի կարծիքն այն ժամանակ մեծ կշիռ ունէր. այդ օրը կարգին բան չէի կերել, բայց նորա խօսքերը լսելուց ետ ինձ կուշտ էի զգում և ցնծութիւնից մտքումս պար գալիս ձիշտ է, ազնիւ հրապարակախօսի առաջարկը չկատարեցի, բայց սկսայ հաւատալ Ազատեանի և Տէր Ա-ի կատակների ճշմարտութեան: Առաջինը իրա սիրած Ղազարու բարբառով կրկնում էր— աղա, Սանդո, իմ ծիպլի աչքով տեսնում եմ, որ քու մէջ ծածկուած հիւսար կայ, աշխատիր լոյս հանել: Երկրորդն իրա բոլոր աշակերտներին հայ ազգի գոհարներ էր անուանում. իսկ ինձ իբրեւ որբի առանձնապէս գուրգուրում: Զգիտես թէ ինչ մեծ վիշտ էր սրտիս, որ այսքան օր Թիֆլիսում եմ ու դեռ Տ. Արսէնի շիրիմը չեմ համբուրել: Անցեալ օրն ասիր, որ տեղը գիտես, գնանք Խոջիվանք, փափագս կատարեմ, հոգիս խողաղուի: Տկարութեանս պատճառով յետաձգում եմ, վաղ թէ անիծեալ նուազումը կրկնուի ու ամեն ինչ խանգարի... այդ նշգուխը 1916 թ. Մեղ-ից դէս 4 անգամ ինձ այցելել է: Անգլիացիք խելօք մարդիկ են, սկիւրդի առաջն առնելու համար 30 տարեկանից սկսած նօղ են գործածում. ես էլ կուզէի խմել, բժիշկները խորհուրդ չեն տալիս, ասում են, այժմ ուշ է, օգուտ չի տալ: Ախր չգիտես, թէ ինչ սարսափելի բան է սրտի լայնացումից նուաղելը: Աչքդ բաց, ուշքդ վրէժ տանջուելով կը լափին ես տալիս, ուժասպառ ձայնով ճղ, ճղ՝ ես աղերսում ու տրորում այն սոսկալի մտածութեան մէջ, թէ անա որտեղ որ է շունչդ կը կտրուի: Երանի այդ միջոցին զգայութիւնս կորած լինի, դա էլ մի մխիթարութիւն է: Երկու ժամ սոսկալի տազնապին զիմանալուց ետ թմրում քնում եմ ու մի քանի ժամից ետ ջարդուածի պէս զարթնում: 35 տարի մօրս շիրիմին կաթօտ եմ. այն համբուրելու համար Զաքարիա պիտի գնամ, իսկ Տէր Ա-ի գերեզմանը մօտիկ Խոջիվանքումն է, աղաչում եմ, պատճառեղիր, տար: Մենակ իմ կողմից չեմ երկրպագելու, այլ և իմ ընկեր Ադեանի, որին Մոսկուայում երգմամբ խոստացել եմ:

— Ալէքսանդր, միթէ չէիր կամենալ, նախ այցելել Տէր Արսէնի այրուն, յետոյ Զատիկի Մոսկուայից Նրա ընտանիքի հետ գնալ ու հանգիստով գերեզմանը օրհնել տալ:

— Այդ էլ լաւ ես ասում, ուրախութեամբ զբօսնելով կը զընամ տիրուհուն այցելելու, կինս էլ կըզայ: Շատ լաւ առիթ է, հնար կուենեամ դաստիարակիս «Անհատական» գրքերը Թերթի և ինձ վերաբերեալ տողերը կարդալ:

Իրարից բաժանուեցինք և երբ հետեալ օրը մտայ Նրա բընակարան, մնացի շուարած: Բանաստեղծը պարկած էր անկողնում, գունատ դէմքով: Ձեռք մեկնելով խօսեց կամացուկ.

— Անիծեալ դողը Ե-րդ անգամ այցելեց ինձ, ուղիղ գիշերուայ կէսին զգացի Նրա գալստեան նշանները— խրխռոցն ու փրփուրը: 7-8 բժշկի դուռ են ծեծել, ոչ մինը չի զարթել: Մնացել էի պահապան հրեշտակիս— կնոջս յոյսով: Այդ տազնապալի բոպէին, առնական սիրտ առած, իրա ձեռքի առկ ունեցած միջոցներով երկու ժամից աւելի կուում էր նուազման դէմ, մինչև որ կարող եղաւ ազատել ինձ վերահաս մահից: Բժիշկն եկել է տեսել, վտանգն անցած շնորհիւ կնոջս խելամտութեան: Երբ նուազում չկայ, ես սող սալամաթ մարդ եմ, ոչ մի տեղս չի ցաւում, բայց վառն այն է, որ նուազումը զոդի պէս գիշերն է գալիս և ինձ տանում մահի դուռը: Ասում են, աչքի լոյսը թանկ, աղիք բան է, բայց հաւատացնում եմ, եթէ 2-ի տեղ 12 աչք ունենամ, ա-

ռանց տփսուալու կըտամ մի առողջ սիրտ ունենալու համար:

Բժշկի պատուէրով Ալէքսանդրը երկու օր մնաց անկողնում: Երրորդ օրը Նրան դառայ գրասեղանի առաջ աշխատելիս:

— Թիֆլիսում պարապելու տրամադրութիւնս աւելացել է, խօսեց բանաստեղծը, հայրենի օդը նպաստում է: Եթէ Ապտուած կամենայ, «Ռուս բանաստեղծներ» ծաւալը պիտի մեծացնեմ, աչքի առաջ շատ բան ունեմ թարգմանելու, ձեռագիրներ էլ ունեմ, որ դեռ չեն տպուած. եթէ գողովեմ, 2,000 էլլի չափ բան կը դառնայ, 3-4 հատոր կարելի է հրատարակել: Բազուցի մի հայազգի խոստացել է տպագրութեան գործին նպաստել:

Մոսկուա ապրող հայ մտաւորականը հնար ունի շատ կողմերով առաջադիմելու, սակայն շատ յետ է մնում հայ լեզուի և ժողովրդական ոճերի կողմից: Հայրենի միջավայրից դուրս լինելը մարդու ակնոյ խորթացնում է. այդ երևոյթը նկատելի էր Նազարեանի և շատերի վրայ: Իբրեւ հայրենաբաղձ մարդ, ես յաճախ ցանկանում եմ սրտինս արտայայտել, բայց չի գալիս, պակասում են բառեր, մանաւանդ հայկական ոճեր: Որոշել եմ, քանի այստեղ եմ, ոչ միայն Հայկազեան լեզուի բառգիրք ձեռքերել, այլ և աշխարհաբար լեզուի, ոճերի բառարաններ:

Նրա խնդրած Հայկազեան լեզուի բառգիրքը ճարել էի. երբ գնացի այդ մասին Ալէքսանդրին իրա բնակարանում յայտնեցի, կինը վրայ բերեց.

— Ել մի ուշացի, Ալէքսանդր, գնա գնիր այդ «բառգիրքը», Մոսկուայում դրա կարիքը շատ ես զգացել, ինչ էլ պահանջեն, տուր, միայն թէ գրասեղանիդ վրայ ունենաս:

Մեր բանաստեղծը կնոյ կողմից շատ աւելի բաղաւոր էր քան Գէօթէն ու Հայնէն, որոնց Խրիստինան ու Մատիլդան այնքան անկիրթ ու անզրազէտ էին, որ չգիտէին թէ ինչու համար են իրանց ամուսիններին այնքան յարգում, իսկ սրա կին Վերան ոչ միայն բանաստեղծի ոնարի մօտ նստած, անխոնջ խնամում էր, այլ իբրեւ հոգեկից ընկեր քաջ ծանօթ լինելով Նրա բոլոր բանաստեղծութիւններին, ջանք չէր խնայում Ալէքսանդրի ստեղծագործութեան համար դիւրութիւն ու տրամադրութիւն ստեղծելու:

Երկուով տնից ելանք բառգիրքը գնելու: Ալէքսանդրեան այգով անցնելիս կանգ առաւ բանաստեղծն ու ասեց.

— Մտաբերի շուարքը դուր է գալիս, քիչ կամաց քայլենք: Կար ժամանակ, երբ գիշերելու տեղ չուենալով պարկում էի այսնըստարանների վրայ ու քնելով լուսացնում... ախ, ինչ քաղցրութեամբ եմ յիշում անցեալ աղքատ օրերը... գուցէ Զաքարիան մահիցս ետ պարծենայ, որ ինձ ծնունդ է տուել, բայց երբ 30 տարի առաջ զիմեցի այնտեղից պասպորտ ստանալու, որբիս պատասխանեցին— քո անունը մեր շնչադրական մատնանում չկայ: Մոսկվայում էլ նիւթական վիճակս մի բանի նման չէր— անիծեալ անփողութեան պատճառով յաճախ զուրկ էի մնում թատրոն զընալուց: Որբութեան օրերից սկսած հիւանդութիւններ եմ քաշել, մի անգամ հաշուեցի, թիւը հասաւ 32-ի, եթէ այս ազնուահոգի կինս ինձ պատահած չլինէր, ես մինչև հիմի 5 պատան մաշած կը լինէի: Դու նկատեցիր, թէ նա ինչպէս ուրախացաւ բառգիրք ձեռք բերելու համար, 23 ձիգ տարիներ այդպիսի հոգատար վերաբերմունք է ունեցել դէպ ինձ... Թողից ամեն շուր ու պերճութիւն ու բաղդը կապեց ինձ պէս աղքատի հետ: Այդ յանդուգն քայլի համար բոլոր բարեկամներն ու ազգականները իրանց յարաբերութիւնը խզեցին Վերայի յետոյ Բարոյական ճնշում շատ ենք կրել, բամբասանքին հօթիւ ու համար չկայ... Հայ հարուստի աչքում հայ բանաստեղծը եղել է միայն արգահատանքի առարկայ: Մի անգամ իմ խօզէին Ի. Ժ.-ի մօտ ինձ բանաստեղծ էին անուանել:— Ինչ բանաստեղծ, ինչ բան, արհամարհանքով վրայ էր բերել Ի. Ժ.-ը, Մատուրեանը մեր կանտորի պրիկաշիկին է: Եթէ Վերայի պէս սփոփող հրեշտակ չուենայի կողքիս, վերջին

տարիները սիրա չէի ունենալ զրիչ շարժելու: Նա վիշտս ամբողջովին շաղկում էր ու ինձ ոգի ներշնչում, սրտանց կը փափագէի, որ ապագայում մօտս թաղուէր:

Բանաստեղծը խօսք տուեց Սուգի գիշերը իջնելու մօտիկ Թանդոյեան եկեղեցին, ձուգութեանց քահանայի քարոզը լսելու և դիտելու թէ այստեղի ժողովուրդը որքան վայելուչ է պահում իրան եկեղեցումները նա չեքեք, ես Աւագ ուրբաթ, մարտի 31-ին բարձրացայ նրա բնակարանը: Դուռը բացուելուն պէս լսեցի նրա կնոջ յուսահատ կականը—հասէք, Ալէքսանդրը մեռնում է, ինձ թուաց թէ մուրճով ճակատիս զարկեցին: վազեցի նրա պտուղակու սենեակը ու գտայ սիրելի բանաստեղծին անկողնում անշարժ, անզգայ մեկնուած, աչքերը փակ, հոգեվարք վիճակում: Բժ. Թամամյանը նրա շունչը պահելու համար թթուածին էր ածում նրա բերանը:

Աւագ շորեքշաբթի մարտի 29-ին հիւանդը ողջ օրը եղել է տանը, միայն մօտիկ պոստն է իջել ու գարձել-ճաշել է հանգիստ, երեկոյիս աման հիւրերի հետ ուրախ դրուցել, ծիծաղել, ժամի 11-ին անկողին է մտել, հերեմակու ճառը կարդացել, հիացումը յայտնել կնոջը և 12 ժամին իրան վառ զգացել: Խոխուցի ու փրփուրի-նուաղման նախանշանների վրայ կինը և իրա փեսայ բժ. Թամամյանը սկսել են սովորական միջոցները ձեռ առնել վրտանդն անցկացնելու համար: Ալէքսանդրը աչքը բացուելը վրէժն միալար աղաչելիս է եղել, «ճգ տուէք, ճգ տուէք, խեղճում եմ»: տապալակ տեսել է 3 և կէս փ. գիշերուայ, մինչև նրան վերջերս բուժող պ. Մ. էլ վրայ է հասել: Յանկարծ հիւանդի վիզը թուլացել է և գլուխը փակ աչքերով ընկել կնոջ կրծքին: Կարծել են թէ քնում է: Գարկեցրել են, առաւօտը ուշքի չէ եկել: Ժողովուրդ են բժիշկները 2-3 անգամ խորհրդի, ճար չի եղել ուշքի բերելու: 42 ժամ էր հոգեվարքի մէջ, երբ ուրբաթ ժամի 5-ին անկողին մօտեցայ: Անզգայութեան միջոցին շերտութիւնը 40 աստիճանից պակաս չէր եղած: Շարունակեցինք թթուածին տալ, բայց անօգուտ, շնչառութեանը հետզհետէ դանդաղում էր: Բժիշկների կարծիքով արեւնահոսութիւն էր տեղի ունեցել ուղեղի մէջ: Մարտի 31-ի ճաշուայ 6/1 ժամին սիրելի Ալէքսանդրի տանջուած սիրտը դադարեց բարախելուց, խաղաղ հանգաւ նա, ինչպէս մի պատրոյգ, ինձ այնպէս թուաց թէ քնեց...

Երբ ճակատը համրուելով անկողնի մօտից հեռանում էի, որ շտապեմ լրագիրներին մահադոյժը յայտնելու, աչքս ընկաւ զբրասեղանի վրայ դրած Հայկ. լեզուի ըստգրքին, որ մի քանի օր առաջ երկուսով գնել էինք Գուտտեմբերգ գրախանութից:

Թաղման յանձնաժողովը սուրբ համարելով հանգ. բանաստեղծի կամքը, որոշեց Խոջիվանքում վերցնել երկու դերեզմանաւեղ, որ ապագայում մօտը թաղուի իրան խնամող կինը—Վերա Ստեփաննանը:

Թիֆլիս 17 Ապր.

Քամալեանց Ա.

Գ Ա Ի Ա Ռ

«ՀԱՄԱՐԱՆԻՐ»-ի ԽՄԲԱԳՐՈՒԹԵԱՆ

Ախալցխա, մարտի 5-ին

Փետրովարի 26-ին տեղի ունեցաւ քաղաքիս սպասարանական «Помощь» ընկերութեան քաժնետէրերի ընկ. ժողովը: Այդ սպասարանական ընկերութիւնը քաղաքումս առայժմ բաւականաճում է միայն կերտին վաճառելով, որի շնորհիւ առաջն է առել քաղաքումը, այդ մթերքի գինը ուրիշ կերտսինավաճառների կողմից արհեստականորէն բարձրացնելու: Բաժնետէրերի ժողովն ընդունեց և միաձայն հաստատեց ընկերութեան հաշիւը և յայտնեց շնորհակալութիւն վարչութեան եռանդուն և արդիւնաւոր զործուղ-

ութեան համար այսպիսի դժուարին ժամանակներում: Ժողովը ընկ. արդիւնքից ի միջի այլոց 30 ա. էլ յատկացրեց քաղաքիս հայոց դպրոցներին:

Սաշխերէթ: Փետր 26-ին տեղիս հայոց ուսումնարանի դասիճում, «Магический» դերասան պ. Զաքարիա Կոխտայեանը ներկայացրեց մի քանի դիւթիլ տեսարաններ: Դաշիճը ծայրէ ի ծայր լի էր հասարակութեամբ: Վերջը ուսումնարանի աշակերտ-աղակերտուհիները երգեցին մի քանի ազգային ու ժողովրդական երգեր, օր. «Հիմի էլ լուսնը», «Թող կորչին տաճիկները», «Դարձեալ փայլեց», «Յուսմար պառկեր», «Խալիլէք փոել է», «Մեր հայրենիքը», «Իմ չինար հարը» և «Հին կալայ», որոնք, մանաւանդ մեներգ (սուլ) «Երազը», մեծ ապաւորութիւն թողեցին հասարակութեան վրայ: Ներկայացումից զոյացաւ 53 ա., որը պ. Զաքարիա Կոխտայեանը յատկացրեց յօգուտ տեղիս Հ. Բ. Ը.-թեան Սաշխերէթի ճիւղին, որի համար պ.-ին վարչութիւնս յայտնում է խորին շնորհակալութիւն: Դոժասանքի արժանի են նաեւ տեղիս հայ երիտասարդութեան եռանդը, որը ոչ մի ջանք չէ խնայում դպրոցը բարեկարգ վիճակի մէջ դնելու:

Դաւիթ Բեգալեանց

Բորժոմ.

Մինչև 1915 թուականը Բորժոմում գոյութիւն է ունեցել Կ. Հ. Բ. Ը.-թեան ճիւղը 15 անդամներով: Վերջին տարին ինչ ինչ պատճառներից վերոյիշեալ ճիւղը քայքայւում է, որի մասին տեղական վարչութիւնը կենտրոնին չի տալիս ոչ մի պաշտօնական բացատրութիւն: 13 մարտի 1917 թ. ծխ. դպրոցի աւ. ուսուցիչ պ. Արշալոյս Տիտոսեանի (Գրիգորեան) նախաձեռնութեամբ գումարում է մի բազմամարդ ժողով, որ մեզ առաջարկում է վերակազմել Բորժոմում. Բ. Ը.-թեան ճիւղը: Ժողովս միաձայն ընդունում է առաջարկը և անգամակցում են առայժմ 83 հոգի: Այնուհետեւ անցնում են վարչութեան ընտրութեան և զաղտնիքուէարկութեամբ ընտրւում են պ. պ. Արշալոյս Տիտոսեան, կապիտան Վարդան Ասլանեան (նախագահ), վաճառակ. Մելիք Յակոբեան (գանձապահ), պոստի շինով. Երուանդ Յակոբեան և Ասլան Գազեան, քարտուղար՝ պ. Արշակ Գրիգորեանց:

Վարչութիւնը այս կարճ ժամանակամիջոցում անցել է 3 էական խնդրի լուծման. 1 ի նկատի ունենալով որ սիրողների (Թատերասէր) տուած ներկայացումներին յաճախում է մեծ բազմութիւն, որ հասարակութեան անգամներից շատ շատերը տեղչը լինելու պատճառով, արտունջով ու բողբոջով յետ են վերադառնում և որ այդ ներկայացումները տեղի են ունենում դպրոցի դահլիճում, որտեղ կայ անշարժ բեմ, բայց զանաւոր իւ փոքրութեամբ չէ կարողանում բաւարարել հասարակութեան, ճիւղը որոշեց հիմնել «Հինարարական Ֆոնդ» նորոգելու դպրոցը և մեծացնելու դպրոցի դահլիճը, որի համար և բացուեց հանգանակութիւն, և փոքրիկ Բորժոմը իւր փոքրութիւ հայերով տուեց ու) երկու հազար հարիւր (2,100 ա.), վարչութիւնը որոշել է շարունակելու հանգանակութիւնը նոյն նպատակով: II Գրադարան ընթերցարանի խնդիրն էր որ վարչութիւնը որոշեց բանալ Բորժոմում գրադ. ընթերցարան. ժողովականներից մէկը որ առայժմ գաղտնի է պահում իւր անունը, որին երաշխաւորում է պ. Ասլան Գազեանը (Բազուի վաճառական) նուիրում է նոր բացուելիք գրադարանին երկու հազար (2,000) ա. որպէսզի գրադարանը կոչուի իր անունով:

Հարցը դրւում է ընդհանուր ժողովի առաջ. ընհանուր ժողովն ընդունում է առաջարկութիւնը բուռն ծափահարութեամբ և մեծարանքներով և որոշում է գրադ. ընթերցարանը անուանել Կ. Հ. Բ. Ը.-թեան Բորժոմի ճիւղի Մեան գրադարան:

Այս խնդիրն էր բանալ Բոժոմուս ամարային սեղոնին յօգուտ Ընկերութեան «Մի բաժակ թէյ», իսկ սեղոնից յետոյ ընդհանուր ժողովը կը որոշէ թէ ձմեռուայ ընթացքում պահել «Մի բաժակ թէյ»-ը թէ ոչ:

ՀԵՌԱԳՐԵՐ

Տրապիզոնից Ա. Առաքելեանը հեռագրում է, որ Երզնկայից այնտեղ են հասել 16 հայ գաղթական:

Պետրոզդարաղից Ղուկասեանը հեռագրում է, թէ արդեօք ի՞նչ օգնութիւն է հասցում Միջագետքի հայութեան և ի՞նչ տեղեկութիւններ կան այնտեղից: Այդ խնդրի համար որոշուեց հաւաքել լրացուցիչ տեղեկութիւններ Ներսէս Սրբազանից, Թեհրանի կոմիտէից և ապա կազմել առանձին խումբ օգնութիւն հասցնելու համար:

Տ ա ր Ե գ ի ր

ՀԱՅԿ. ԿԵՆՏՐՈՆ. ԿՈՄԻՏԷՆ

Ապրիլի 22-ին կայացաւ Հ. Կ. Կոմիտէի հերթական նիստը նախագահութեամբ պ. Ս. Յարութիւնեանի, ուր եղաւ հետեւալ զեկուցումներն ու որոշումները:

ա. Տաճկահայ փախստականների մայիսի 1-ին կայանալիք համագումարի առթիւ ստացուած գրութեան համաձայն՝ Բարեգ, Ընկ. և Հ. Կես. Կոմիտէի կողմից իբրեւ ներկայացուցիչ նշանակուեց կոմիտէիս ընդհանուր լիազօր պ. Ալ. Շարաֆեանցը:

բ. Կոմիտէին կից կազմուած գաղթականական դպ. յանձնաժողովի նախագահ պ. Իս. Յարութիւնեանը զեկուց, որ մի քանի տեղերից դիմում են խմանալու, երբ ենք դադարեցնելու գաղթ. դպ. ուսումը, դալ տարուայ համար հրաւիրում են ուսուցչութիւնը, թէ ոչ:

Ի նկատի առնելով այն հանգամանքը, որ շատ տեղերում գաղթ. դպ. աշակերտութիւնը գնում է դաշտային աշխատանքների, որով և խանգարուելու է ընդհանուր դասաւանդութիւնը, որոշուեց հրահանգել գաղթ. դպ. դասերը վերջացնել մայիսի 1-ին, իսկ գալ տարուայ համար ուսուցչութիւնը դեռ չի հրաւիրում:

գ. Նորին Վեհափառութեան հանձնութեամբ Հատիճի վանական դպրոցը յարմարեցուած է որդանոցի:

Կ. Հ. Բ. Ը.-թեան Խորհուրդը շնորհակալութեամբ ստացել է-

— Գ. Տիգրան Շապեանից մատաղի փոխարէն յօգուտ ճաշարանի 50 ռ.:

— Գ. Մինաս Սողոմոնեան Սուլթանեանից Օրդուպատի դըպրոցին նպաստ 300 ռ.:

— Գ. Աղէքսանդր Նահիկեանից յօգուտ ճաշարանի 3 ռ.:

— Դոմ. ՄԱՐԿ. -ի միջոցով Յարութիւնեանի ընտանիքից ի յիշատակ հանգ. Արտիւշի յօգուտ ճաշարանի 25 ռ.:

— Պետրոզդարաղից պ. Արշակ Պետրոսեան Ունանեանից դըպրոցական նպաստ 9,600 ռ.:

Կ. Հ. Բ. Ը.-թեան Բազմիկի ճիւղի վարչութիւնը շնորհակալութեամբ յունուարի 1-ից մինչև 2-ը ապրիլի 1917 թ. ստացել է տեղիս պահեստի կառավարիչ պ. Լեոն Զօրաբեանի միջոցով 223 ռ. 10 կ. դանազան հարսանեաց հանդէսներից՝ 29 ռ. 50 կ. Զուլախի գիւղում վաճառ Պետրոսեանի հարսանիքին պ. Վ. Մախատեանի միջոցով հաւաքած 73 ռ. 20 կ. զուլախի գիւղի հաստ-

րակութիւնից 22 ռ. Տիգ. Շաֆեր Ղազանեանից իր ճարտ հանգուցեալ Շուշանիկի պսակի փոխարէն 30 ռ.:

ՊԱՐԵՆԱԻՌՄԱՆ ԲԱԺԱՆՄՈՒՆԲ ՊԵՏԱԿԱՆ ՄԻՋՈՑՆԵՐՈՎ

Այսու ուղարկուած է Ղարաբիլիսա 1 վագոն, Աղէքսանդրապոլ՝ 2, Սարիղամիշ՝ 2, Ղարս՝ 1, Երեւան՝ 2, Գանձակ՝ 1, Աղստաֆա՝ 5, Ալաշկերտ՝ 2, Ղամաղու՝ 1 և Սանահին՝ 1, ընդամենը 18 վագոն:

Բացի այս քաղաքում տերոգ ալիւրի սուր կարիքի պատճառով, Ընկերութիւնս ստիպուած եղաւ քաղաքային ինքնավարութեան փոխարինարար աւել 20 վագոն ալիւր:

Սաղոն ուղարկուած է Գանձակ 60 պուլ, Երեւան՝ 80, Աղէքսանդրապոլ՝ 420 և Սարիղամիշ՝ 100, ընդամենը 660 պ.:

Շարսար և շարսարաւազ ուղարկուած է Գանձակ՝ 95 պ. Ղամաղու՝ 194, Երեւան՝ 360, Սարիղամիշ՝ 300, Աղէքսանդրապոլ՝ 510, Աշտարակ՝ 220, Ղարաբաղուի՝ 200 ընդամենը 1,879 պ.:

Կորեկ ուղարկուած է Խնուս 1,298 պ. և 2, Ալաշկերտ 1,278, ընդամենը 2,576

Սիսեռ ուղարկուած է Գանձակ՝ 97, պ. 30, ֆ. Ղարաչինար՝ 25, պ. 10 ֆ. Նոր-Բայազետ՝ 46, Անենի՝ 26 և Ղամաղու՝ 332, ընդամենը 527 պ.:

Բըլինո ուղարկուած է Երեւան 474 պ. Ղուրգուղուի և Աշտարակ՝ 600 և Սարիղամիշ 585, ընդամենը 1659 պ.:

Ք Ր Ո Ն Ի Կ Ո Ն

Անգրկովկասեան առանձին կոմիտէի հաստատել է նահանգական ժողովրդական դպրոցների ուսուցիչների համագումարի կողմից ընտրուած յանձնաժողովը, որ վարելու է նահանգի դըպրոցական գործերը:

— Նախկին կայսր Նիկողայ II-ի անուան քաղաքային դըպրոցը վերանուանուել է Ալ. Մատուրեանի անունով:

— Մայիսի 10-ին Թիֆլիսում Հայ Ուսուցչական Համագումարը գումարուելու է պատգամաւորական ներկայացուցչութեամբ: Պատգամաւորներ են տալու իւրաքանչիւր 10 հոգուց բաղկացած ուսուցչական խմբերը մի-մի հոգի: Այն խմբերը, որոնք 10 հոգուց պակաս են՝ իրենց շրջանի ուսուցչութեան հետ կընտրեն պատգամաւորներ նոյն սիստեմով:

— Ապրիլի 23-ին, Ս. Յարութիւնեանի նախագահութեամբ, կայացաւ Թիֆ. վաճառակ. բանկի բաժնետէրերի ընդհանուր ժողովը: Նախագահը դիմեց ժողովին կարճ խօսքով, թէ ինչպէս բանկի խորհրդի անդամ Ա. Ն. Միլեանը հին ռեժիմի շնորհիւ շատ տառապանք կրեց, մեղադրուելով իբր ծանր յանցաւոր, և յայտարարեց, որ այդ մեղադրանքները անհիմն լինելով, Միլեանի անունը կը վերականգնուի պաշտօնապէս: Ժողովը որոշուեց ներկայ եղող Միլեանին: Յետոյ ժողովը հաստատեց 1916 թուի հաշիւը: Այդ թուին զուտ արդիւնք եղել է 492,966 ռ. 29 կ., որոշուած է աւելցիային տալ 20 ռ. դիվիդենտ: Հաստատուեց 1917 թուի նախահաշիւը: Որոշուեց լիազօրել վարչութեանը բանկի ճիւղեր բանալ ցուցակում նշանակուած տեղերում: Վերընարուեցին վարչութեան անդամներ Մ. Բերբերեան, և խորհրդի անդամներ Ա. Միլեան, Ա. Բաղդասարեան, Ա. Սէյլանեան և Ա. Էնֆիաճեանց:

— Մտադրութիւն կայ Թիֆլիսի կանանց բարձր դասընթացները անուանել Թիֆլիսի Համալսարան, ազատ թողնելով մտադարձկանց մուտքը: Թիֆլիսի Համալսարանը ենթարկուելու

էանմիջապէս ժողովրդական լուսաւորութեան միաստութեան,
— Բաղաճային պարենաւորման նախորդ վարիչ Մ. Զա-
րարն առանձին ոտնիկ չէր ստանում այդ պաշտօնի համար,
մինչդեռ պարզուած էր յեղափոխութեան ժամանակ կազմուած
պարենաւորման նահանգական յանձնաժողովի նախագահ Ն. Զ.
էլիաւան (փոխնախագահ Գ. Կաֆեան) ստանում է ամսական
800 ռ., իսկ օգնականները 600 ական ռ.: Այս բանը երևան հա-
նեց քաղաքային վարչութեան անդամ Միքայէլ Աթաբեկեանը
դուժայում մի կրակոտ բանախօսութեամբ. մերկացումը ահագին
տպաւորութիւն գործեց իրաւասունների վրայ, որոնք բռնեց,
որոտընդոստ ծափահարութեամբ թնդացրին գահիճը:

Գ Ե Ղ Ա Ր Ո Ւ Ե Ս Ս

ՀԱՅ ՈՐԲԵՐԻ ՔԱՅԼԵՐԳԸ

(Հաստուած «Եղնիկի փերի»-ից)

Աշուղն ու Նանէն անցան լեռներէն,
Անթաղ զոհերի արեան ծովերէն.
Կորած ձագերի համար ցիրուցան
Աշխարհէ-աշխարհ երգելով անցան.
Հնչում են հեռու աշխարհի չորս դին
Հայրենի հսկայ վշտի մեղեդին.
Սրտերում միշտ վառ նոր կեանքի հոտը՝
Հնչում են, կանչում գեռ զըռնէ-գուռը,
Ելէ՛ք, երաճներ մատղաշ որբերի,
Ելէ՛ք, քարուաններ վշտոտ ծերերի.
Դէ՛, ելէ՛ք, տիրէ՛ք հուժկու շարանով
Երկիրը ներկուած հայի արիւնով.
Ե՛ւ երաճները մատղաշ որբերի,
Ե՛ւ քարուանները վշտոտ ծերերի
Դէ՛մ արած կուրծքը անողոք մահին՝
Քայլում են դէպի հայրենիքը հին.
Լարում է Աշուղ ջարդուած բամբիւր,
Երգում է մանուկ սիրոյ թըրթիւր.
Նանէի սէրը, Աշուղի երգը
Բուժում են հայի վիթխարի վէրքը:
Ելէ՛ք, երաճներ մատղաշ որբերի,
Ելէ՛ք, քարուաններ վշտոտ ծերերի,
Դէ՛, ելէ՛ք, տիրէ՛ք հուժկու շարանով
Երկիրը ներկուած հայի արիւնով.
Վառում է Նանէն օջաղը մարած
Երգում է աշուղ Սիրունը կորած.
Մըխում է նորէն ծուխը օջաղի
Հայկական ջարդուած աննրկուն ցեղի,
Հնչում է երգը նոր աշխատանքի,
Լոյսի և սիրոյ մե՛ծ յաղթանակի.
Մանուկ Հայաստան նոր կեանքի բոցով
Ապրում է բովում արեան հնոցով:

Ելէ՛ք, երաճներ մատղաշ որբերի,
Ելէ՛ք, քարուաններ վշտոտ ծերերի.
Դէ՛, ելէ՛ք, ելէ՛ք հուժկու շարանով
Երկիրը ներկուած հայի արիւնով:

1917 թ. Փետր. 28.

ՀԱՆԱՆ ՄԻՐԱՔԵԱՆ

ՍՏԱՑՈՒԱԾ ԳՐՔԵՐ

1. Ստացանք «Գործ» գրական- գիտական- քաղաքական
ամսագրի № 3-ը:
2. Դրական-գեղարուեստական ամսանախ (նախկին Գառանի)
3. «Ողբ անմահութեան» Վահան Թոթովնցի:
4. «Արարատ» ամսագրի № 3
5. «Նախագիծ կանոնադրութեան Հայոց Ազգային- եկեղե-
ցական Սահմանադրութեան» Մատթէոս Կախկտպոսի:

Խմբագիր՝ ՍԱՄՍՈՆ ՅԱՐՈՒԹԻՒՆԵԱՆ

Հրատարակիչ՝ Կ. Հ. Բ. ԸՆԿԵՐՈՒԹԻՒՆ

Յ ա յ տ ա ր ա ր ու թ ի ւ ն ն Ե Ր

Կ Ո Չ

Հ Ա Յ Ժ Ո Ղ Ո Վ Ի Դ Ի Ն

Հայութեան ամեն մի մնացորդ, ամեն մի հեռաւոր
ու մերձաւոր զաղութ պիտի լինի մեր գուրգուրանքի
առարկան: Ամենքին պէտք է պահպանել մեր ապագայ
գոյութեան համար:

Օտարախօս համայնքներն էլ ձուլուելու—կորչելու
վտանգի մէջ են: Դրանց ամենքին կարելի է պահպանել
մեր Ազգային եկեղեցու հովանաւորութեամբ եւ մեր
պապերի լեզուով:

Թիֆլիսի Հայ Քահանայութիւնը ձեռնարկել է մի
շինարար գործի՝ օտարախօս վայրերում իւր միջոցներով
բացել է մի քանի դպրոց. բայց կարիքը մեծ է. օգնու-
թիւնը հայ հասարակութիւնից է սպասում:

Քեզ, ով հայ մարդ, քեզ ենք դիմում, եթէ քո մէջ
հոսում է հայի արիւն, եթէ քո մէջ բարախում է հայի
սիրտ, եթէ թանգ է քեզ մեր ապագայ գոյութիւնը, ձգիր
քո լուծման այս գործի համար:

Նուէրներն ուղղել ԹԵՄԻՍ ՍՐԲԱԶԱՆ ԱՌԱՋՆՈՐԴԻՆ
կամ Յանձնաժողովիս Գանձապահ Սահակ Բահ. Սահակեանցի

(Михайловский пр. № 38).

ԹԻՖԼԻՍԻ ՀԱՅ ՔԱԼԱՆԱՆԵՐԻ

ԴՊՐՈՑԱԿԱՆ ՅԱՆՉ ՆԱԺՈՂՈՎ

Նախագահ Առոս Բահ. Թեմուրազեան

Անդամներ

Համազասպ աւ. Բահ. Տէր-Յովհաննէսեան

Յովսէփ Բահ. Տէր-Պետրոսեան

Սարգիս աւ. Բահ. Շիլոյեան

Սահակ Բահ. Սահակեան

Խորէն Բահ. Խուցեան

Սարգիս Բահ. Երզնկեան